





革命源流第三十三上

宋後山童被捕死。其子林兒與其徒劉福通繼之。詭言林兒實宋徽宗八世孫。起兵於汝潁江淮之間。國號曰宋。於是蕭縣李二趙均用。羅田徐壽輝諸香軍相繼起。宋後山童被捕死。其子林兒與其徒劉福通繼之。詭言林兒實宋徽宗八世孫。起兵於汝潁江淮之間。國號曰宋。於是蕭縣李二趙均用。羅田徐壽輝諸香軍相繼起。事雖弗成。然蒙古竟因以摧滅。至明末清世祖復以滿洲人混一華夏。改易衣冠。漢人恥之。圖恢復者屢起屢仆。後三藩兵起。據有數省。未幾亦滅。然吳三桂等本明

臣助清滅明後復叛清與純粹革命家有異至聖祖仁

皇帝高宗純皇帝兩天子聰睿壽考稽古右文由是詩

書之族盡歸心不復言革命矣及乾隆末天下太平久

和。坤。亂。政。白。蓮。會。黨。徒。復。起。前半無他謬巧只是一起一伏敘得原委分明此等

文筆易流疲弱須有劉松者以祈禱及符咒治病頗有

驗密以其教傳布於西部諸省事發流甘肅後其徒劉

之協宋之清等煽誘陝西四川湖北人民謀起事而奉

幼童王發生為主詭稱發生係明裔事覺發生被擒以

年幼免死戍新疆劉之協遁州縣官大索不獲荊州宜

昌等處株連羅織者數千人於是聶傑人張世謀等起

荊州姚之富齊林之妻王氏等起襄陽孫士鳳徐天德  
王三槐冷天祿等起四川張士龍張漢朝張天倫等起  
陝西一時西部諸省望風而靡至嘉慶五年劉之協始  
被擒又二年始大定政府耗戰費銀二億萬兩用兵將  
十年所謂川楚教匪也自是後政府禁白蓮教甚嚴其  
餘黨改稱八卦教三香會白羽會天理會諸名以避禍  
至十八年山東林清河南李文成復起文成等能豫言  
休咎觀天文上下尊信之於是林清至北京賂通內監  
誘致其黨於宮禁約與山東河南同時起事九月十六  
日林清飾其黨二百餘人爲農夫潛懷刃自宣武門入

溷酒肆中日晡乃分犯東華西華兩門各以首蒙白巾  
爲識太監劉金等引其東高廣福引其西闖進喜等爲  
內應倉皇間迷所嚮誤自尙衣監文穎館內犯侍衛急  
閉隆宗門不得入時仁宗幸木蘭未歸皇第二子偕諸  
太監登垣瞭敵見賊手白旗方攀垣踰養心門皇子取  
槍擊之未命中怪察之彈皆空因急取衣上金鈕爲彈  
再發應聲斃教徒不敢進適王大臣率禁兵由神武門  
入敗賊於中正殿門外內監通賊者亦皆就擒賊旣敗  
林清猶未知匿城外黃村侯進止有某太監者慧黠以  
計探得林清匿所驅車逆之且賀事成逆大王登殿林

清大笑登車。至永定門外，縛之。未幾，李文成亦起滑縣。文成先爲縣宰，強克捷下獄，其黨劫之出，戕官奪滑縣城。據運河要隘，道口鎮。於是陝甘總督楊遇春直隸總督章照、山東鹽運使劉清均統大兵赴援。復道口，圍滑縣。以大礮攻之。文成知不免，自焚死。合道口滑縣良民被害者數萬人。自是白蓮會之名遂寂。白蓮會雖託名宗教，言革命然爲首者皆豪猾草竊蠢愚，無政治知識。至道光三十年，太平軍首洪秀全復起。苦心分明，否則漫無分析，不惟文不曲折，亦不見史筆矣。秀全廣東花縣人，幼孤，授徒鄉里間。屢應省試，皆不第。常賣卜江湖間。廣東人朱九濤者，上帝教

首也。秀全與其同里馮雲山師事之。會九濤死，推秀全爲教主。廣東官吏惡之。秀全與雲山遷居廣西桂平武宣二縣交界之鵬化山中。傳上帝教。秀全妹婿武宣人蕭朝貴與桂平楊秀清交善。秀清先亦廣東人。世以製炭爲業。豪放無賴。與同里韋昌輝、貴縣石達開同入上帝教。昌輝達開義憤慷慨，常欲委身以成大事。秀全時卧病幾殆，突愈曰：吾病死作地下人者七日，今始蘇。能知未來事。世將罹大災，惟奉我教拜上帝，則免。且死後可生天堂，極樂世界。與馮雲山、盧賢拔等造真言寶誥，諸書密傳布之。潛蓄髮，易服，隱伏山林間，遣人四方遊。



說會起大疫。歲饑，人心所在傾動。附者日益多，乃起兵於金田村，移屯武宣縣東。未幾，貴縣林鳳翔、漢陽萬大洪、衡山洪大全等來歸，勢大振。卽分遣諸將，席捲廣西，進陷湖北、安徽、江蘇等省，定都金陵，號太平天國。自稱天王，定官制，頒封爵，開科取士。士之不得志者，往往附之。與劉之協、李文成輩異矣。然太平將自李秀成外，無建設材。淫虐凶狂，與盜賊無異。終以覆滅。革命家惜之。當太平軍將衰時，捻子張總愚、陝甘回匪復盛。淮軍李鴻章、楚軍左宗棠討之數年而後定。其歷史具見咸同以來載籍中。清二百年來革命，以此爲最劇矣。然卒無

成秀全死後二十餘年廣東人孫文復言革命洪氏後  
孫文言

革命最先故  
特筆標出文香山人字逸仙其兄眉賈於檀香山文

幼往依之遂通英語歸香港學醫於英人硜德立既畢

業懸壺澳門葡萄牙醫士嫉之謂文無其國證書愆患

市政廳逐之歸廣東仍以醫自給時粵人方談新學孫

文有口辯與人論農學之利叛農學會列籍者頗眾文

陰與其黨陸皓東楊衢雲等創立興中會皓東感文義

鬻家產別妻母購蓄軍械密謀起事光緒二十一年九

月文聲言開鑛鳩集工人百餘名至省城各給紅布帶

書太平二字約期縱火焚官署大掠充軍實前一夕為

巡防統領李家焯所聞率眾掩捕之陸皓東被捕死文  
逃按察使張人駿懸千金賞名捕孫文文走日本至橫  
濱截髮易服經布哇航美國轉至英倫時駐英公使龔  
照瑗聞孫文至陰緝之文偶遊市中遇中國人詢之曰  
君中國人耶曰然吾粵人也其人曰吾亦粵人盍過從  
乎孫文從之行至一大厦遽被囚卽清使館也照瑗將  
納諸巨篋中挾以出境文賂守者以丸紙乞救於其師  
硜德立硜德立請於英外部牒照瑗索之文乃得釋英  
人謂清使擅捕人英境蔑視公法騰載報章稱文爲中  
國革命黨魁於是孫文之名乃大噪禍兮福所倚初閩廣之

間有三合會者亦名三點會其發軔在清初其本旨反清復明凡入會割血爲誓地方豪猾避官捕抗免賦稅者多黨於三合會至乾隆五十二年彰化人林爽文起兵陷彰化及沿海諸要隘據臺灣獨立爽文卽三合會首領後嘉慶十四年二十二年道光十二年江西湖南兩廣各境皆有三合會起事咸豐初太平軍起三合會首領之挾有武器者皆投太平軍太平軍有羅大綱者三合會首領也餘以教義不同輒散去然見洪秀全所向無敵氣張甚遂蠡起於閩廣之間而粵人劉麗川閩人陳阿連復在上海襲縣署殺知縣縛上海道吳健章

奪其印據上海城世呼太平賊爲三合賊謂閩廣滬之亂盡屬於太平軍者皆誤也

爬梳剔抉委曲分明

顧三合軍形勢

散漫無巨人爲約束劉麗川以官軍得洋人助用大礮轟城卽突圍逸而在廣東之首領陳清泰亦爲部下陳政所殺由是三合會之倡亂於廣閩上海間者與太平軍同時敗滅廣閩人舊多賈於南洋三合會本部黨員欲扶植勢力於海外凡貧病死喪犯法內地或南洋犯外國法而求庇或劫奪港灣殺人放火逃往者一入其會立賙卹護持備至僑民感其義從者日益多會員亦日以暴橫於是三合會之在南洋各埠者其地之政府

恒視爲害物於暹羅於澳洲亦然。而居北美者尤不法。殺掠強奪。擄贖非惡之名。高出於太平洋沿岸。且犯罪後能用秘密術。逃法網。以故三合會之在海外者甚盛。益興。然無論良莠。一經瀝血。其反清復明之旨則同也。孫文之創立興中會。常與三合會首領鄭弼臣連結。而募資於南洋會中。及其敗流離海外。實得三合會資助。

自此以下各黨人極其複雜。隨出隨敘。隨敘隨結。絕無手忙脚亂之態。執轡如組。兩驂如舞。是何神力。光

緒二十三年。文旣在英得釋。卽爲書歷敘顛末。謝英人而歸日本。時日本民黨犬養毅方遣宮崎寅藏。可兒長一。平山周等遊港滬。偵察中國民黨秘密情形。聞文至。

日即歸橫濱訪文於逆旅爲言湘鄂及長江一帶哥老

會勢力之可用

趁勢帶出哥老會毫無牽合之痕故妙

哥老會亦名哥弟

會其創始在乾隆年間同治時太平軍滅湘勇撤窮於

衣食因組織各團體以救濟之於是哥老會始大盛其

本旨在反清其理想則爲俠義好襲劫不義豪富及貪

污官吏而嚴禁盜攘平民有所謂紅幫者洪家者會中

正統也其力以湖南浙江爲最盛他省次之又有青幫

者即沿江鹽梟其勢力彌漫於淮南北及上下江他若

黑幫白幫皆以竊盜拐騙爲生哥老會賤視之擯不得

入會而徵取其稅金否則在其勢力下營生致之死後

因各國教士袒教民顛倒曲直。又有抉眼剖心和葯諸  
謠。哥老會遂激烈排外。會光緒十七年。李昭壽之子李  
豐家雄於資。以欲雪父仇。及傾覆清室。故與哥老會首  
領關熙明謀。入其會。并以銀六萬。與鎮江稅關洋人彌  
遜購軍火。事覺。關熙明李豐被捕。誅死。彌遜亦被逐回  
國。哥老會頗疑洋人洩其謀。愈惡之。於是外人之被虐  
殺。財產被焚燬者。不可勝數。而沙市日本領事館。稅關  
招商局。怡和洋行等房屋。俱爲灰燼。後平山周等偕湖  
南黨人畢永年林述唐。溯長江遊湖南。頗與哥老會首  
領李雲彪。楊鴻鈞。張堯卿。李堃山等相晤。并介紹孫文。



之爲人冀其連合。至是孫文至日本時，日本尙爲租界制，禁外人雜居。平山等假名聘中國語言教習，稅宅租界外居之，護持甚至。二十四年秋，宮崎及平山再遊中國，宮崎向香港，平山向北京。時戊戌政變起，新黨譚嗣同、林旭、楊銳、楊深秀、劉光第、康廣仁等爲榮祿所殺，獨梁啟超、宋伯魯、王照等脫逃。平山周聞警，卽至北京，思營救。未幾，啟超等已爲日人山田良政、小村俊三、野口多內等救護出險。啟超自甲午中日戰後，與其師康有爲創辦時務報，倡言國勢阽危，舊政窳敗，非維新不足以圖存。以先覺自任，書牘蜚騰，遍於全國，所謂政治

革命家也。外國人尤重之。

甲午後康梁主張維新大出書報風氣賴以開通世謂為

黑血革命文特鄭重分明

平山周既聞啟超脫險即進至塘沽偕之

赴日會宮崎亦自香港偕康有為至有為以先期赴滬

辦報行至中途變作尙不知及至滬政府預電上海道

捕之為英領事救免有為啟超既至日平山周等即力

謀俾與孫文連合然以宗旨氣類之不同有為等卒未

與孫文晤也。

弦外音

時三合會李立亭洪振年等復起兵

於廣西鬱林南甯一帶連陷各城清軍與戰十數月始

鎮定之孫文既聞哥老會勢力之可用欲招致之日人

平山周乃招畢永年至日見文適非律濱獨立其總統

阿軍鴉度

一作亞其那爾皆譯音

本福建人文遣永年助戰并允

助饗械欲其成以為革軍根據阿軍鴉度信之既而援

不至永年敗歸二十五年文歸香港畢永年亦自湖南

挈哥老會首領七人至港文乃與三合會首領鄭弼臣

哥老會首領楊鴻鈞等謀三合會哥老會與中會併為

一名曰興漢會三合會哥老會既屢與黨人相往還漸

悟排外非計思想變遷畧循塗軌矣未幾哥老會首領

以爭貲與孫文不協永年恥失信憤恚為僧死羅浮山

中由是哥老會復與孫文離

結哥老會

初康有為之至日湖

南黨人唐才常亦赴東京謁有為有為欲煽動哥老會

起兵復皇帝政權。命才常返滬創設中國獨立協會。而以東文學社為名。有為亦自海外募巨資來港。既而聞哥老會與孫文有隙也。厚贖之。其首領遂與唐才常等合。當是時孫文以哥老會附有為與粵紳劉學詢等謀招致有為。會有以蜚語告有為者。謂學詢等欲刺殺之也。及宮崎平山再以事赴新加坡。說有為有為疑其刺己。匿不見。且告市政廳防刺客。市政廳捕平山等囚之。未幾孫文亦至。與市政廳約。即離境不逗留。平山等得釋。後偕歸香港。港督先得新加坡電。禁文等登岸也。自是孫康之合併愈不成。日人亦不再為游說。

孫康始終分道揚鑣

涇渭唐才常既與哥老會密謀爲變而以漢口爲樞紐

會二十六年北方拳匪亂八國聯軍入都遂欲乘隙起獨立軍先是粵人容閔容星橋充漢口洋行經理才常與容閔密謀購軍火度洋行中馬福益者湖南哥老會正龍頭也黨人黃興約之同時在湖南起事鎮江青紅幫首領徐寶山在淮南北起事復自港招李雲彪楊鴻鈞等歸在長江起事林述唐李和生規漢口狄楚賢任財政容閔主外交康有爲梁啟超運籌海外并廣發富有票爲符號釀資定十月朔大舉矣時義和拳以仇外名容閔懼事起爲各國所惡乃爲英文書布告各國曰

中國獨立協會鑒於端王榮祿剛毅之頑固守舊煽動  
義和拳以敗國是以決定不認滿政府有統治中國之  
權將欲更始以謀中國人民及全世界之樂利端在起  
復光緒帝立二十世紀最文明之政治模範以立憲自  
由之政治權與之人民藉以驅除排外篡奪之妄凡租  
界教堂以及外人并教會中生命財產均力為保護毋  
或侵害望我友邦人民於起事時勿驚惶別有軍令八  
條附覽未幾事為湖廣總督張之洞所聞唐才常林述

唐或作林圭傅良弼黎科同被捕死容閔容星橋等亡走上

海康有為自經此敗深自晦抑西遊歐州不復謀革命

結康

梁哥老會既不附孫文。唐才常新敗。長江戒嚴。文乃

再渡日本。說三合會首領鄭弼臣起兵。而濟以餉械。弼臣乃起兵數千人於惠州之三州田山寨。文亦由日本抵臺灣。期與惠州通聲氣。未幾台彎總督逐孫文。文復至香港。弼臣因需餉械。舉事期屢緩。官兵偵得。將攻山寨。弼臣不得已奮戰。三戰三勝。擒副將杜鳳梧。傷提督劉萬林。進至崩崗。與官軍隔河而陣。三合軍戰月餘。又屢勝。投効者日益多。華僑聞之。爭資助。文忽電弼臣云。形勢變。外援絕。軍事進止。請自決。三合軍聞之多散去。劉萬林偵知。猛合軍圍攻之。革軍盡覆。日人山田良政。

戰死虎頭山。弼臣率殘卒百數十人突圍走。仰天痛哭。曰：吾其休矣！吾其休矣！十餘年經營苦心盡。此一旦復何面目見同志諸友乎？遂隻身竄南洋島中，匿不見人。

又數月病死。自是三合會妄疑孫文不與昵。心苦為分

會當惠州軍之未敗，黨人史堅如潛往廣州督署後掘

洞穴，約可達總督臥室。實炸藥，然之。總督德壽方晨睡，

藥爆不傷。縣官究得實，捕誅堅。如此為黨人暗殺之始。

惠州軍既敗，孫文復遊歐美。時國人懲拳匪亂，大興教

育，學生留學日本者常萬餘人。餘杭章炳麟在日本著

書報，詈清政，鼓吹民族革命，說甚力。而湘人秦力山創



開支那亡國紀念會以激勵青年於是僑日學生十九  
皆黨於革命未幾炳麟歸上海與浙人翰林院編修蔡  
元培川人鄒容蘇人吳敬恆黃中央等創愛國學社編  
學生爲軍隊播宣革命學說而鄒容所著革命軍尤激  
烈事爲兩江總督魏光燾所聞與法領事交涉捕炳麟  
鄒容入獄元培等及學生均逃散鄒容入獄後旋病死  
愛國社既解散山陰陶成章徐錫麟復言革命成章在  
日本成城學校學陸軍中國公使汪大燮亦浙人知成  
章爲浙省黨魁誘成章歸而削其官費學籍錫麟字伯  
蓀癸卯科副貢生曾創建山陰小學堂紹興中學堂明

道女學堂在浙學界負重名。成章既歸，卽與錫麟組織秘密會黨，名曰復古會。時蔡元培復創設同志會，成章說之，遂與復古會合，卽世所稱光復會也。

光復會革命最有功特筆

標出眉目清明

而以徐錫麟爲首領，其會員以金牌爲徽章，中

鏤復字篆文，旁鐫楷書云：黃河源溯浙江潮，衛我中華漢族豪。莫使口口留片甲，軒轅神胄是天驕。共分十七部，別於紹興府設大通學堂，專重兵式體操，備革命用。三十年，湖南黨人黃興、馬福益、陰與哥、老會三合會、青幫、白幫諸小會結設一總會，名曰華興會。入會者年納會費一圓，積至百萬元，則購軍火起兵。會甫成，而陸亞

發起廣西攻柳州奪洋槍五千支兩廣總督大舉討之  
亞發告急馬福益令起兵湖南以爲牽制福益以華興  
會初成籌備未周而又惜其機不可失會八月瀏陽有  
普濟大會四方豪傑羣集於此福益乃招集三十正龍  
頭七十二副龍頭及東南西北五路統領約以十月十  
日同時起兵未幾謀洩九月十五日南路正統蕭桂生  
西路副統游得勝及馬福益先後均被捕斬於瀏陽西  
門外廣西陸亞發亦敗爲官軍所擒黃興甯協萬劉揆  
一在長沙知事洩亡走日本華興會遂滅時鐵良由湖  
北北歸黨人胡瑛王漢謀刺之行至彰德漢狙擊二次

皆不中。至夜，恚而自戕。黃興既至，日未幾，孫文亦自南洋來。宮崎寅藏偕興見文於鳳樂園，甚相得也。興與學生宋教仁、張繼、程家樾等開會歡迎孫文。時學生到者數千人，文有口辯，演說革命原理，情詞激越，歡聲雷動。一時官費學生皆辭官費，投身革命黨中。文遂與黃興、宋教仁等結合各省黨員，開秘密大會，名曰中國革命同盟會。同盟會之名始此。同盟會之先有許多黨會，同盟會之後又分若干部，敘得如指上螺紋，舉日可見。旗用紅藍白三色，以日本爲總會，分五大部於中國，以武昌爲中部。會所設於漢口，耶教聖公會內之日知會專與軍人相結，而以孫文爲會長，黃興爲

副復刊發民報宣播革命大綱自是孫文游弋海外募  
會資黃興出入內地起兵宋教仁主會務三十一年八  
月政府遣載澤端方戴鴻慈徐世昌紹英五大臣出洋  
考查憲政行至前門車站黨人吳樾擲炸彈車中紹英

傷樾亦炸死樾安徽桐城人

吳北江云吳樾徐錫麟事皆宜僅列概要而以詳悉

情形置之個人小傳中章法方爲完整

北洋高等學堂學生曾在滬學製

炸彈於王姓以暗殺黨先鋒自任適五大臣登車樾僞  
作侍者裝溷入車中顏色慘變衛從疑之阻弗使前樾  
卽在夾壁中擲彈距五大臣遠不傷只飛鐵傷紹英額  
從者死二人而樾身粉碎皮肉粘板壁上時北京無巡

警步軍統領兵偵察有尸身裏衣著操服上綴北洋高等學堂肩章號數乃知是樾也先是樾與黨人趙聲遇於京師以暗殺自任聲欽佩不勝及南歸與樾詩云淮南自古多英傑山水於今尙有靈相見塵襟一瀟灑晚風吹雨太行青雙擎白眼看天下偶遇知音一放歌杯酒發揮豪氣盡笑聲如帶哭聲多一腔熱血千行淚慷慨淋漓爲我言大好頭顱拚一擲太空追攫國民魂臨行握手莫咨嗟小別千年一刹那再見却知何處是茫茫血海怒翻花樾得詩反覆誦讀每至淚下乃覆聲書君爲其難我爲其易至是遂以彈擲五大臣是爲黨人

以炸彈行刺之始

按炸彈史云新式爆藥製法在光緒十三年上海製造局常以供軍事

上水雷之用其法載化學鑑原中國人善製者首推徐建寅後因製藥爆死漢陽兵工廠徐弟子郭道殷及其

子某皆擅是術然與政治無關及光緒二十一年粵人張某因學西醫葯料頗及此術惟精於銀爆葯之普通

製法史堅如常學之用於粵督署卒未成功及光緒二十七八年留日學生有慨政治之腐敗思用此物以濟

其窮者謀之於日本社會黨因警察干涉即原料頗不易得得其製法試驗之手術未純不合用二十九年春

日本橫濱中華學堂理化教員李某者頗明各葯製法大意李與孫文善革命者多與之往還李遂以其法授

之留學生其始學者某某三人繼之者為楊篤生及蘇某楊蘇因學此幾喪其身其後分班往學者各省均有

人會光緒三十年日俄戰起日人因造炸葯延英人爆學大家智利至境智利專精此術英政府懼傳其術於

外國禁智利出境適日人在英訂購船春日運回日人藏智利船底智利竟至日其葯之製法分五十餘種試

驗最良者則以銀汞牛乳鷄卵諸原料所製之流質爆發為最傾出瓶後與養氣化合逾十分鐘則爆或十五

分至五十分留學生得日人某助力技術遂進上海有  
王某者學其法轉傳於吳樾後王某以石臼製葯卒殞  
命至能從智利學者僅二人其一則曾學於  
徐弟子郭道殷故成蹟較優然未嘗一用也  
三十二年  
冬江西萍鄉礦夫數千人起事礦夫多屬哥老會  
洪江會馬福益舊部陳邦杰等率之自萍鄉進攻醴陵瀏陽  
皆陷之人心所在騷動未幾鄂兵數千來援邦杰戰死  
亂平究其獄事與漢口日知會有連於是黨人劉大雄  
胡瑛季雨霖朱元成殷道勤孫毓筠權道涵等均被捕  
繫獄大雄元成後死獄中當是時黨人頗溷迹軍界中  
江南趙聲等八人爲新軍標統日知會黨人孫武亦爲  
標統湖南而武昌軍人又漸與日知會附聲息相通待



時而動。未幾江督端方疑趙聲斥退聲等。孫武亦以事見擯於湘。而漢口同盟會機關亦破。初孫文謀革命。屢求助於日本。日政府允革黨實力足時始協助。至是孫文復盛言中國革命之將成。日本乃遣武官數人赴中國視察。而求鄉導及通譯於革黨。革黨薦山西人喬貽齋任之。貽齋至漢口。赴日知會高談革命。不少諱。武漢軍人以有外國助也。亦攘臂大權。提督張彪聞之。喬裝赴會。盡得其秘謀。卽發兵捕同盟會支部長劉家運。斬軍官數名。并封禁日知會。政府得鄂督報。亦覓英人爲偵探。尾日武官至天津。竟竊其調查實錄以去。政府按

籍窮加究治。於是武漢諸黨人奔逃星散。長江上下游  
革命陰謀復同時消滅。

革命源流第三十三下

三十三年五月徐錫麟既創設光復會復赴德國學警察六月歸國陶成章預爲捐候補道發安徽充巡警學堂會辦錫麟遂招其弟子馬宗漢陳伯平助理校務而陶成章自海外輸軍火入皖會端方在江南獲黨人葉某得其名冊首列光漢子光漢子者錫麟別號也葉某并供其在皖端方電恩銘以下敘錫麟行刺文絕精采氣息皆從刺客傳得來恩銘命錫麟陰偵之且笑謂錫麟曰人言君亦革命黨吾不信故相委耳錫麟大驚懼事洩且得禍而陳伯平馬宗漢等則以機不可失時不再來要錫麟先發錫麟曰

吾思之久矣。巡警學生五月畢業。至時行禮。巡撫司道

畢集可聚而殲也。及期。按光復志及錫麟別傳云錫麟定期五月二十八日請於恩銘

適是日恩銘因孔子升祀大典行禮及祝幕友章太夫人壽不能往改二十六日錫麟以措辦不及對恩銘復

召學堂收支委員顧松問之松日文憑等物皆備無不及遂定二十六日錫麟深銜之預埋炸藥

聽事中而設筵其上。巡撫司道府縣官皆至。先是錫麟

訂二十八日行畢業禮。恩銘召詢收支委員顧松。改前

二日。錫麟頗疑松洩其謀。至是錫麟啓恩銘先詣廳筵

宴。畢閣操而恩銘則令先閣操。後入宴。錫麟愈惶急。既

而恩銘及司道以次入禮堂。錫麟服軍服立階上。率從

官行三鞠躬禮。恩銘答禮畢。學生方魚貫入。錫麟忽趨

前大言今日革命軍起事

寫錫麟字字飛動聲色俱足

恩銘愕然云

胡自知之語未畢炸彈轟然而恩銘不傷馬宗漢復舉  
銃擊傷恩銘右手然已惶駭戰慄不能再發錫麟從靴  
中出兩短銃左右手環擊之恩銘仆地卽拔刀出禮堂  
揮學生大呼云中丞爲顧松刺殺可往保軍械局學生  
在禮堂外倉猝震駭不知禍所自來錫麟復大呼以馬  
刀斫殺顧松當是時司道馮煦等已抽隙逃入校左鐵  
佛菴中飛調巡防營來捕賊錫麟卽與陳伯平馬宗漢  
等橫刀怒目劫學生數十人如軍械局聲言中丞被刺  
備亂來守總辦周家煜駭而走錫麟卽令學生舁大礮

庫中迎門守禦。旣而巡防營來圍守半日，不敢進。馮煦乃懸賞萬元購錫麟士卒，乃猛攻格殺陳伯平，生擒馬宗漢。而錫麟已逸。馮煦復懸五千金購其蹤跡，卒得之。醫士方家時恩銘已以傷重死。藩司馮煦、臬司毓秀及道府咸集煦等，頗疑錫麟與孫文同黨。錫麟曰：我乃革命黨魁光漢子，其人蓄志復仇已十餘年，何物孫文能隸吾麾下乎？且新甫死未也。新甫者恩銘字煦，佯應曰：小傷耳。行自訛汝。錫麟聞言，神喪氣沮，垂頭不語。移時煦復曰：爾知罪否？明日行剖爾心肝矣。錫麟聞言，卽仰天抖身大笑不止，曰：然則新甫死矣，新甫死我志償寸。

磔我可也。何有於心肝。終又曰。此事祇我與光復子宗漢子三人所爲。學生盡脅從無罪也。光復子已戰死。機械所中。宗漢子被獲。此二人向不吐其眞名。則爲徒死。我不暴揚之。千秋萬世後。誰復知之者。光復子者。吾友平水陳伯平。按馬宗漢供詞云伯平名淵宗漢子者。山陰馬宗漢也。吾豈負吾友。而使其姓字蕪沒不彰哉。翌日。馮煦援張汝祥刺馬新貽例。剖錫麟心肝祭恩銘。而馮煦以功遷巡撫。當煦奏之入京。孝欽后方避暑頤和園。大震卽王大臣出入。亦咸有戒心。至七月。卽移蹕回宮。女士秋瑾者。徐錫麟之戚屬也。錫麟之仕皖。瑾主明德女學堂及

大通學校錫麟敗有人控瑾私藏軍火紹興知府貴福率兵大索果得秋瑾所爲檄文二通及體操鎗四十枝

卽捕秋瑾殺之

按秋瑾傳被捕後縣官令其自署口供瑾書曰秋雨秋風愁殺人七字不答遂

殺時政府恨黨人甚頗欲恢復族刑以戒將來而各省官吏索黨人株連頗衆肅親王善耆憂之言於政府曰今之革黨毫無實力其所以激而爲此者皆青年才俊憤政治不良呈於一擲自禍禍人其志甚愚其情可憫爲今之計宜刷新政治去口實之端寬容黨人開自新之路利導旣久禍患可消倘或株連酷虐牽及種族將咫尺之水搏之可使過顙一泓之波積之或至滔天政



府雖不能盡從而族刑卒爲善者所阻止

按光復志政府以錫麟大

逆不道欲滅其族以戒後來肅王善者力爭不得復奔告醇王洵貝子同詣軍機處陳請始允從寬查抄徐氏

家七月黃興李雁南等起事欽州知府張紹棠敗之興

走免十月黃興復起事廣西奪據鎮南關初關南那嫫

村土寇數百人劫掠殘暴中國及越南官民皆苦之孫

文欲舉事廣西越南總督不許其假道文因謁總督云

能說使那嫫村土寇永不擾越南已而果然法總督德

之禁頗弛黃興遂率寇渠黃明何伍李輝堅等猛攻鎮

南關砲台未數日皆據之孫文聞捷亦自東京馳至既

而官軍大集革軍乏軍火復棄關遁三十四年二月黃

興起事於欽州之馬篤山。防城等處黨人王和順敗清兵。戕縣官。四月復起兵河口。官軍統領王振邦戰死。管帶李美降。革軍遂據有河口。雲貴總督錫良遣提督白金柱、道員方宏倫等統兵十餘營剿之。黃興與黨人關仁甫、王和順等分兵趨開化。蒙自各境。錫良復率統領王正雅、龍裕光等親出蒙自督師。廣西巡撫亦遣榮濟各軍堵防歸順。革軍敗逃。河口復法將威根聞河口亂。率土兵九十名巡越邊。察動靜。適革軍敗退至境。威根方解除革軍武裝。清軍追者疑威根助革黨也。憤戕之。十月熊成基起兵安慶。成基礎標隊官感徐錫麟事。久

思爲變。適德宗母子相繼崩。砲弁范傳甲、李朝棟、書記宋玉琳皆黨人。隱於兵。陰說成基乘機爲變。成基卽約馬營步營同時舉事。并約軍官薛哲。在城內爲應。至期。砲營舉火爲號。管帶陳昌鏞不從。成基殺之。劫火葯庫。子彈率衆至城下。而薛哲負約。城內無應者。步營無首領。亦未卽從。馬營攻之。礮營旣不得入城。卽移臨江寺高阜上。以大礮攻城。未幾。巡撫朱家寶檄江防營兵輪來援。與城上兵夾擊之。成基潰走。范傳甲、李朝棟死之。宋玉琳奔廣東。後成基匿跡哈爾濱。會貝勒載洵歸自英。成基與黨人石德寬、喻培倫謀刺之。均被捕死。宣統

二年正月。倪映典。峻廣州新軍爲變。映典手持大紅日光旗。馳馬指揮。旋中礮死。汪兆銘入都。潛埋地雷於德勝橋下。圖炸監國攝政王。事洩。爲偵吏所執。民政大臣肅王善耆親訊之。兆銘執筆書供詞數萬言。善耆偉之。請監國免死。永遠監禁。讞定移法部。司法大臣廷杰恚甚。處以黑暗囚牢。善耆聞之。以金二百書數十種。貽兆銘。兆銘得讀書。自遣。三年三月。戊申。廣州將軍孚琦赴南門外。觀演飛艇。歸途爲黨人溫生才刺死。河口之役。黨人訛傳孫文在南洋。釀資數十萬。及戰敗。乃羣赴新加坡。索資。至則爲總督囚禁。由是文信望漸微。黃興執

持黨事。

既以源流名篇則興衰起伏宜特爲詳盡所謂記事提要纂言鉤玄

及宣統二年

資政院開會。黨人穩健者羣趨立憲派。興勢益孤。則倚趙聲以自固。聲去江南後赴粵。粵督岑春煊仍用爲標統。欽廉之役。聲奉命往討。先示意黨人。黨人聞聲至則散走。由是春煊頗疑聲。聲亦懼亡去。潛結閩廣軍人及會黨圖舉事。黨人附者日多。舉聲爲革軍總司令。黃興屢促其起事。聲謂時機未至。一舉不成。前功盡棄。殊可惜。拒不聽。二十九日興矯聲令起事。廣州先是黨人饒輔廷等在督署左右。西湖街甘家巷等處。僞爲攷試法官。或學員寄宿。僦居宇甚多。潛輸軍火。匿其中。約四月

初旬起事。後從香港運炸藥爲英警查獲。事頗洩。而提督秦炳直亦探獲革命軍旗幟圖式及書冊。飭府縣官嚴緝。消息愈暴。興等遂改約。三月三十日舉事。輔廷復移廬督院旁。巡警局以輔廷甫來。復移廬。疑之。拘訊。殺輔廷。總督張鳴岐提督李準嚴兵備。亂黃興等知事洩。難再緩。召黨員集議。衆猶豫欲解散。獨宋玉琳謂爲不可。曰：「前此舉義。屢起屢仆。今四方豪傑聞風遠至。若臨事畏蒞。何面目見黨人。此其一。饒輔廷等冒險運軍火致死。且所費不貲。若解散。則軍火難再輸出。經濟部員疑爲誑騙失信。此其二。軍人性質。有進無退。奉令而來。」

不戰而退。如軍令何。此其三。愚以爲進攻之期不可過。今日至其方畧。則首焚督署。擒賊擒王。官兵見火起來。撲救。我便乘虛分攻各官所。不半日則全城大定矣。衆鼓掌議遂決。乃分黨人爲二大隊。第一隊以林文宋玉琳張岐山林尹民劉元棟莫其匡陳文波馮趙驥羅衆霍李達泉領之。第二隊以韋雲卿林覺民方聲洞陳更新陳可新陳與燊林常拔勞肇明周華等領之。而以胡漢民乘綠呢大轎。服西裝扮外國領事狀。黨人舁之。蜂擁入督署。大呼謁總督。漢民既下輿。卽與黨人齊擲炸彈。燬堂皇。煙燄蔽天。

事起倉猝石破天驚  
文亦突兀與事相稱

張鳴歧穴牆

走入水師提督署內。檄水師及巡防營捕賊。而林文宋、玉琳、方聲洞等率黨人與官兵死戰。殺衛隊管帶金振邦、礮聲、炸彈聲、殺聲、轟般街巷。戰至日暮。卒以衆寡不敵。林文方、聲洞等數十人皆戰死。伏尸盈市。黃興、胡漢民、緃城、逃林覺民、宋玉琳、陳可鈞、陳更新、陳文波、劉鋒常、拔羅、仲霍、羅坤、李海、韋雲、卿龐、雄等先後皆被捕。鳴歧與李準親鞠之。玉琳等神色慷慨。但求速死。覺民剪髮西裝。彬彬可愛。準命釋刑與坐。喟然曰：以君儒雅，抱負必不凡。胡不令吾輩一聆快論乎？乃以紙筆進。覺民卽伸紙疾書數千言。準慮其傷重作痛，時摩撫其背。并



親飲以茶。覺民既書畢，復請登臺演說。悲壯淋漓，聲淚俱下。鳴歧肅然動容，訊孫文在何處。曰：我黨黃興不黨孫文，我輩都毀家而來，冀抒國難，豈屑僥倖。啣一已私利耶？次日均就死，誅死與戰死共七十二尸，叢葬黃花崗。當起事初，黨人李漢業約三合會渠率陸亞領鄧江等，同時在佛山響應。廣州既敗，亞領等聚千餘人，與官軍戰於蜘蛛山石灣等處，敗績散走。時趙聲在香港卧病，聞耗痛哭。及黃興至，聲面數其矯令之非，且謂烈士數十人均戰死，君何獨生還耶？興愧憤無地，未幾聲死。腸胃腐裂，類被人毒斃者，疑莫能明也。廣州既敗，革命

精銳喪盡黃興再赴日本六月黨人林冠慈陳敬岳以炸彈擊李準於南門內準躍登屋頂手格殺冠慈敬岳亦被捕死時清政日非四川因鐵路國有蠶起為亂詔督辦鐵路大臣端方率鄂師一協援川未幾復詔起岑春煊幫辦四川軍事春煊亦求兵於鄂鄂軍援川者徵調頻繁士卒憚遠行怨誹黨人孫武張振武蔣翊武等潛嗾為變自是鄂軍時不安

吳北江云革命源流當敘至武昌起事前而止以下

各節或撮敘概要已足

八月辛亥孫武在漢口俄界寶善里製炸

葯藥爆武傷面及額屋焚俄捕至武已逃入醫院黨人

劉耀章先出不知倉皇歸為俄捕所獲會襄陽巡防統

領陳得龍亦迭捕黨人邱和尙陳鴻誥牟鴻勛陶德明  
等解督署流言愈多人心益恐至夜提督張彪復捕得  
三十一人癸丑瑞澂親鞠之卽斬彭楚藩楊宏勝劉汝  
夔三人餘下獄楚藩等臨刑慷慨大呼共和萬歲者三  
當瑞澂訊囚時閱雄楚樓黨籍有軍人七十三名厲聲  
叱張彪歸營捕之衆頗聞其語至夜工程營黨人集議  
曰吾輩進亦死退亦死等死不如起義死霎時全營士  
卒毀肩章袖纏白布以同心戮力爲口號涵湧出大呼  
興漢滅滿二十九標三十標聞警亦殺管帶隊官合力  
猛撲楚望臺時督署守衛馬隊砲隊亦叛火光灼天彈

雨射瑞激張彪出城避兵輪上至夜午全城屬革軍而  
 未有統帥黨人曰二十一協協統黎元洪仁愛士卒孚  
 眾望宜舉為都督眾奮臂大呼曰諾即趨元洪邸叩門  
 元洪匿密室中呼之出與盟誓遂即督都位與湖北篇敘述小異  
 者緣此以黨人為主體又所據者富不妨互見以求詳盡也革軍既據有武昌全國

大震九月乙丑朔湖南獨立黨人焦達峯為都督陳作  
 新為副都督未幾焦陳為亂軍所殺黨人譚延闓為都  
 督九江黨人李烈鈞徐世發等起兵推標統馬毓寶為  
 都督陝西黨人錢鼎等說管帶張鳳翽張益謙等起兵  
 殺將軍文瑞及旗卒數千人舉鳳翽為都督戊辰初廣

州將軍孚琦死以鳳山爲廣州將軍鳳山至滬黨人卽伺隙狙擊欲甘心焉粵大吏及友人聞之皆諫阻鳳山不聽及將至粵黨人周之貞李沛基陳軍雄等偵得懷彈以伺鳳山至虎門礮臺未鳴礮鳳山怒甚及登岸大吏以下懼禍未郊迎祇衛兵充塞衢巷行至倉前街李沛基陳軍雄僞爲工人猱升電杆理電綫鳳山至自屋頂擲彈擊之聲如霹靂墻垣震陷煙塵蔽天鳳山及肩輿埋沒瓦礫中沛基飛逸軍雄中彈爲衛兵所獲旋死掘瓦礫肢體粉碎鳳山家人以玉佩爲識得其尸也時黃興已由香港赴湖北宋教仁譚人鳳等說黎元洪以

黃興爲總司令築壇行授旗禮督兵漢陽王申山西黨人姚以价等起兵殺巡撫陸鍾琦推標統閻錫山爲都督癸酉雲南黨人李根源蔡鍔等起兵逐總督李經羲舉蔡鍔爲都督湖北響應日益多長江下游益不固甲戌江西獨立戊寅上海黨人李燮和等攻陷製造局陳其美爲都督江蘇浙江貴州皆獨立貴州黨人楊蔭誠爲都督辛巳廣西獨立壬午安徽福建皆獨立癸未廣東獨立黨人胡漢民爲都督各省黨人以初經改革恆欲推地方大吏或軍界長官暫爲都督係民望而大吏之黠者亦恆徇民欲避禍目前故江蘇浙江江西廣西

安徽福建山東都督皆非黨人十月乙未朔重慶府獨立黨人張培爵爲都督夏之時爲副都督辛丑四川獨立黨人蒲殿俊爲都督未幾尹昌衡代爲都督黃興招湖南學生數千人盡編爲兵督使戰於是梅山諸阨要以次失漢陽爲清兵攻下黃興走滬丙午蘇浙民軍克金陵時民軍已據有十餘省各不相屬羣議建臨時政府於武昌及漢陽失金陵爲民軍攻下滬都督陳其美遂與各省留滬代表團舉黃興爲大元帥黎元洪爲副元帥蘇浙民軍大譁聲言不願隸漢陽敗將下會居鄂代表團歸甯乃改舉黎元洪爲大元帥黃興爲副元帥

元洪鎮武昌興居南京攝行大元帥職權以武廷芳溫宗堯主外交與清大臣唐紹儀等議和十一月甲子朔孫文至粵時黎黃不相下胡漢民馬君武來滬與革黨謀舉文爲大總統建臨時政府於金陵戊辰孫文自粵至滬陳其美發砲二十一響迎之癸酉各省代表團在江甯開正式選舉大總統會舉孫文爲臨時大總統初孫文未到滬黨人聲言文自海外募華僑貲三千萬携飛艇軍器甚多且與各國要約承認民國事得要領臨時總統唯文爲宜各省代表團旣不知虛實且懼禍而民軍苦餉乏聞之欣欣及旣舉定向文索餉文曰吾自



海外携來者。革命眞精神耳。有精神卽無須金錢。衆始知前所宣傳者僞也。

此等精湛語非革命偉人莫能道及

以各省代表團

爲參議院建臨時政府。時同盟會黨人孫文爲總統。黃興爲陸軍總長。陳其美爲滬都督。胡漢民陳炯明爲廣東都督。勢張甚而沿江各省及上海浙江恢復光復會黨人功爲多。同盟會光復會由是不和。所在仇殺而廣東傾軋尤甚。光復會會長章炳麟致孫文書曰。據潮州光復會人來言。同盟光復二會日益軋轢。前由張繼等公函勸告。卒無效。邇者幾有貴族平民之分矣。攷光復會初設。實在上海。不過四五十人。其後同盟會興於東

京光復亦漸渙散。二黨宗旨初無大異。特民權民主之說殊耳。最後同盟會行及嶺外暨南洋。光復會亦繼續前迹。以南部爲根基。推東京爲主幹。僕以下材。同人謂是故舊。舉爲會長。遙作依歸。素不習南州風俗。惟知自守禮教而已。同盟光復初興。入會者半是上流。初無爭競。不圖推行嶺表。漸有差池。蓋被習文教者寡。惟以名號爲爭端。則二會之公咎也。然自癸甲以來。徐錫麟之殺恩銘。熊成基之襲安慶。皆光復會舊部人也。近者李燮和攻拔上海。繼是復浙江。下金陵。光復會新舊部人皆與有力。雖無赫赫之功。庶可告無罪於天下。

借章書  
補敘光

復會僑民雖智識寡陋其欣戴宗國同仇建虜亦彼此之功也縱令一二首領政見稍殊胥附羣倫豈應自相所同也殘殺執事挺生嶺表習其舊常登高一呼衆山皆應惟願力謀調處馳電傳知庶合海隅蒼生咸得安堵再者同盟會人聞兼有仇殺保皇黨事彼黨以康梁爲魁率棄明趨暗衆所周知然附和入會者尙不能解保皇名義赤子陷穽亦謂無罪於人今茲南紀肅清天下曠蕩雖舊染污俗亦當普與自新若以名號相爭而令挾私復怨者得藉是以爲名無損於虜徒令粵東糜爛此亦執事所當禁飭也文得書電廣東禁之而傾軋如故辛

卯清內閣總理袁世凱出禁城歸至丁字街黨人楊禹  
昌黃之萌張光培等自茶樓上飛彈擊之斃衛隊長袁  
金標巡警一路人三傷衛兵十二人禹昌等被捕死時  
宗社黨首領良弼梗和議久不成黨人彭家珍恨之謂  
同列曰吾誓撲殺此獠十二月辛丑家珍自稱奉天軍  
人崇恭謁良弼值自外歸方下輿家珍彈擊之傷重三  
日死北京大震初胡漢民爲都督募人入黨云亡清捐  
官貲千百今與國民約以貲五元入黨卽箸籍縣官或  
試之翌日果除縣長由是箸籍者日千百人同盟會大  
盛光復會遂衰

結光復會

孫文旣爲總統政費無所出乃向

僑滬粵商貸貲四十萬。復馳電海外發行軍債票美華。僑以革命成功復爲募貲二百萬。而衆不知仍倡賣招商局鐵政廠大冶鑛於日本。以粵漢鐵路抵押借款。並爲輿論所詆中止。滬管轂南北地勢便利。陳其美集亡命數萬。揚言北伐。勒商民出貲。滬人怨誹。黃興與其美相結。大事恆決於滬。南京政府常虛無人。時北方袁世凱握重兵。能覆清室。南京政府自知力不逮。以第一任大總統許世凱而以覆清爲條件。約既定。民國元年二月。清室遂遜位。革命成功。舉袁世凱爲大總統。孫文退位。三月任命黃興爲南京留守。宋教仁爲農林總長。陳

其美爲工商總長。蔡元培爲教育總長。王寵惠爲司法  
總長。皆黨人。時粵黨人方爭都督。孫文歸粵。突以胡漢  
民爲都督。自署員至縣知事。都以同盟會員充之。品流  
溷雜。而警察廳長陳景華。日挾槍彈。攫財貨。居民慘遭  
冤戮。避居港澳者。絡繹不絕。鄂黨人張振武。方維。屢爲  
變。以事至北京。副總統黎元洪。請中央執戮之。黨人大  
譁。未幾。南京留守府及滬都督裁撤。袁總統迎孫文入  
都。優禮冠絕。文以調人。自任電黃興。陳其美等。亦北來。  
文宣言。從事實業。不問政治。欲借債六十萬萬。以十年  
之內。造鐵路十萬里。大總統袁世凱。偉之。亦宣言。將練

兵千萬以輔其政策與文標榜詼諧

炎炎大言以標榜詼諧四字形容之

寫盡項城駕馭羣雄本領

世凱以黨人革命能破壞不能建設革命

既已宜以祿糈名位酬其勲勞九月特授孫文籌畫全

國鐵路全權月俸三萬金開鐵路總公司於上海十一

月任命黃興督辦川粵漢鐵路時同盟會內閣已解孫

文黃興陳其美等歸滬革命之成功黨人自謂為功首

及民國既建而不能握政權憤激

二次革命却宜於此篇敘之為與源流相

也興既督辦川粵漢鐵路開局漢口潛與鄂黨人蔣翊

武季雨霖等嗾鄂軍發難叛黎元洪而以湘粵皖贛四

省為應援時元洪孫武方傾向政府洩其謀文電皆入

元洪手黃興乃棄職還滬與陳其美等謀變益亟初宋  
教仁以同盟會暴亂爲世詬病鳩集小政黨與同盟會  
合改稱國民黨結同盟會以孫文黃興爲之魁國民黨勢大  
盛凡國會議員著籍者皆聽命於教仁教仁旣深得黨  
人心欲擁己爲內閣總理黃興陳其美嫉之謂爲叛黨  
也及唐內閣解散教仁留京師與內閣總理趙秉鈞往  
來最親密秉鈞權詐詆譎洞悉其謀謂孫黃躁浮不足  
慮獨教仁沈毅黨人歸附患之二年四月國會成立教  
仁將北來在滬遇刺死自革命軍興凡官制國徽名稱  
章制皆出教仁手有建設才章炳麟嘗以江左夷吾許



之倉卒被戕。士論惋惜。未幾刺客武士英被捕。窮其獄。詞連趙秉鈞。黨人攻擊袁總統愈力。而說贛督李烈鈞。皖督柏文蔚。粵督胡漢民。湘督譚延闓。連合獨立。五月。揚州第二軍軍長徐寶山爲黨人炸死。陳其美遣黨人張光羲攻上海製造局。六月。李烈鈞起兵湖口。據有九江各炮台。戕少將余大鴻。叅謀湯則賢。柏文蔚起兵臨淮。黃興入甯。脅程德全離甯。奪其印綬。戕要塞總司令吳紹璘。講武堂副長蒲鑑。教練官程鳳鳴。自稱討袁軍總司令。而奉岑春煊爲大元帥。粵胡漢民。湘譚延闓。南昌歐陽武。徐州冷遁。大理李根源。福建許崇智。重慶熊

克武先後起兵響應湖口東南十餘省皆騷動政府以  
段芝貴李純自湖北規江西倪嗣冲自皖北規安徽馮  
國璋張勳自徐州規江蘇龍濟光自廣西趨廣東海軍  
中將鄭汝成團長臧致平援上海禡奪黃興陳其美柏  
文蔚陳炯明等官職勳位七月李純等克湖口李烈鈞  
走八月鄭汝成李鼎新等擊敗陳其美鈕永建上海復  
廣東陸軍逐陳炯明取消獨立龍濟光至廣州殺警察  
廳長陳景華倪嗣冲復壽州正陽柏文蔚潰走李純等  
進克南昌黨人蔣翊武戰死初黃興聞冷遁戰敗張勳  
克徐州懼棄江甯走叛軍反正黨人何海鳴復入甯說

一師八師獨立。會柏文蔚率所部至。守益堅。張勳迭與  
叛軍戰。敗之。九月朔。克江甯。皖贛蘇粵亂平。湘都督譚  
延闓。本非同盟會黨。其獨立皆長江巡閱使譚人鳳軍  
事處長程潛陳強唐蟒等所爲。非其志也。及黃興李烈  
鈞敗。人鳳等亦走。湘取消獨立。得免於兵。政府不罪之。  
而以湯薌銘代延闓爲都督。貴州援川旅長黃毓成。克  
重慶。熊克武走。川新津資州內江隆昌榮昌永川自流  
井等處皆定。十二月。唐繼堯以兵克大理。黨人張文光  
等潰走。湘川滇亂亦平。自李烈鈞起湖口。稱兵響應者。  
不可勝數。凡五月而亂定。秩序始復。孫文黃興走日本。

國民黨勢灰敗結國民國始統一

民黨

論曰世以革命黨人所為暴烈姦猾斷斷焉訾議之而為之解者則又張其功蔽其罪冀無名譽之累焉余以為此皆不覽古之過也古之漢高光武朱太祖亦幸而成功耳否則其惡暴矣且革命何等事而欲以尋常徽纆引而繩之抑何其謬哉神韻大類太史公

篇中奧旨有不便揭明者乃取意於封禪平準兩書取筆於衛霍田竇諸傳非史學熟者不能作非史學深者不能讀